



Wan Zulkiflee bergambar bersama penerima biasiswa lepasan SPM daripada PETRONAS di bawah PESP selepas merasmikan program itu, di Dewan Canselor UTP Seri Iskandar, baru-baru ini. (Foto Balqis Izzah Zahari/BH)

## PETRONAS komited asah bakat pembangunan modal insan

**Seri Iskandar:** Seramai 291 pelajar lepasan Sijil Pelajaran Malaysia (SPM) menerima biasiswa bagi menampung pengajian dalam pelbagai bidang di institusi pengajian tinggi di dalam dan luar negara daripada Petrolia Nasional Bhd (PETRONAS) di bawah Program Penajaan Pendidikan PETRONAS (PESP) baru-baru ini.

Presiden dan Ketua Pegawai Eksekutif Kumpulan PETRONAS, Tan Sri Wan Zulkiflee Wan Ariffin, berkata mereka adalah sebahagian daripada keseluruhan 400 pelajar yang menerima bia-

siswa berkenaan pada tahun ini dengan nilai penajaan keseluruhan bernilai RM156 juta.

"Walaupun turun naik dalam ekonomi global dan harga minyak mengalami tekanan, mengengalkan bakat pelajar tetap menjadi keutamaan PETRONAS, sekali gus membuktikan komitmen dalam saluran pengetahuan dan kemahiran yang mampan.

"Ia juga adalah sebahagian daripada tanggungjawab sosial korporat (CSR) yang berterusan PETRONAS ke arah pembangunan pendidikan," katanya ketika

berucap dan merasmikan program PESP di Dewan Canselor di Universiti Teknologi Petronas (UTP), di sini, baru-baru ini.

Wan Zulkiflee berkata, beliau percaya pendidikan berperanan sebagai pentas untuk memperkayakan masyarakat dan meningkatkan taraf hidup serta keupayaan masyarakat.

Sementara itu, Naib Presiden Kanan, Pengurusan Sumber Manusia Kumpulan PETRONAS, Datuk Raiha Azmi Abd Rahman, berkata program yang bermula sejak 1975 sudah menaja lebih 36,000

pelajar yang layak dengan lebih daripada RM3.3 billion sudah dibelanjakan setakat ini.

"Pelajar yang ditaja akan melanjutkan pengajian dalam ijazah sarjana muda dan institusi pengajian antarabangsa terkemuka antaranya di Australia, Kanada, China, Jepun, New Zealand, United Kingdom dan Amerika Syarikat dalam pelbagai jurusan antaranya kejuruteraan petroleum, kejuruteraan mekanikal, undang-undang dan kewangan.

Katanya, kira-kira 7,000 permohonan diterima dengan lebih 1,000

permohonan disenarai pendek sebelum senarai dimuktamadkan kepada 400 penerima sahaja.

"Antara kriteria pemilihan pelajar adalah berdasarkan kecermerlangan pelajar dan menepati ciri kepimpinan serta mampu berhadapan dengan pelbagai cabaran semasa.

"Selain itu, kriteria lain kita juga dititikberatkan dan kita melihat sama ada mereka mampu hadapi cabaran dari pelbagai aspek di dalam persekitaran baharu ketika belajar baik di dalam mahupun di luar negara," katanya.